

# LA CONTA DI RA INTROD (DANIEL FUSINAZ)



## Padze 1

Eun pasèn dézò la HLEENDA, eun RA s'è rachà la PI.

## Padze 2

Lo ra va eun tchi lo COURDOUGNÌ é lèi di :

« Courdougñi, soplé, romenda-mè la pi que dz'i rachà eun pasèn dézò la hllenda ! ».

« Bien cheur ! » lèi repòn lo courdougñi « Mi pe hen lé mè dz'i fota de la SÈYA di pouèa ».

## Padze 3

Lo ra va eun tchi lo POUÈA é lèi di :

« Pouèa, soplé, bailla-mè de sèya pe lo courdougñi ! ».

« Bièn cheur ! » lèi repòn lo pouèa « Mi pe hen lé mè dz'i fota de la FAÈNA ».

## Padze 4

Lo ra va eun tchi lo MELEUN-Ì é lèi di :

« Meleun-ì, soplé, bailla-mè de faèna pe lo pouèa ! ».

« Bièn cheur ! » lèi repòn lo meleun-ì « Mi pe hen lé mè dz'i fota di GRAN ».

## Padze 5

Lo ra va vire lo TSAN é lèi di :

« Tsan, soplé, bailla-mè de gran pe lo meleun-ì ! ».

« Bièn cheur ! » lèi repòn lo tsan « Mi pe hen lé mè dz'i fota de la DREUDZE ».

## Padze 6

Lo ra va eun tchi la VATSE é lèi di :

« Vatse, soplé, bailla-mè de dreudze pe lo tsan ! ».

« Bièn cheur ! » lèi repòn la vatse « Mi pe hen lé mè dz'i fota di FEN ».

## Padze 7

Lo ra va vire lo PRO é lèi di :

« Pro, soplé, bailla-mè de fen pe la vatse ! ».

« Bièn cheur ! » lèi repòn lo pro « Mi pe hen lé mè dz'i fota de l'ÉE ».

## Padze 8

É lo ra va vire RU é lèi di :

« Ru, soplé, bailla-mè d'ée pe lo pro ! ».

## Padze 9

Adòn lo RU baille d'ÉE i RA, que la pourte i PRO ;  
é lo PRO lèi baille de FEN, que lo ra pourte a la VATSE ;  
é la VATSE lèi baille de DREUDZE, que lo ra pourte i TSAN ;  
é lo TSAN lèi baille de GRAN, que lo ra pourte i MELEUN-ì ;  
é lo MELEUN-ì lèi baille de FAÈNA, que lo ra pourte i POUÈA ;  
é lo POUÈA lèi baille de SÈYA, que lo ra pourte i COURDOUGNÌ ;  
é lo COURDOUGNÌ lèi romende la PI, que lo ra s'î rachà eun pasèn dézò la HLEENDA !